



Kozaračka 11 75000 Tuzla , tel: ++ 387 35 330 322 , fax: ++387 35 273 502 , mail: dom.tz@bih.net.ba

Broj: 2190 /24
Tuzla, 13.08.2024. godine

Na osnovu člana 69. stav (1) tačke b) i člana 70. Zakona o javnim nabavkama ("Službeni glasnik Bosne i Hercegovine", broj: 39/14, 59/22 i 50/24), na preporuku Komisije za Javnu nabavku prehranbenih artikala za potrebe JU Dom za djecu bez roditeljskog staranja Tuzla, direktor Javne Ustanove Dom za djecu bez roditeljskog staranja Tuzla, donosi

ODLUKU

O poništenju postupka javne nabavke prehranbenih artikala (LOT – 2)

Član 1.

Ovom Odlukom poništava se postupak javne nabavke prehranbenih artikala za potrebe JU Dom za djecu bez roditeljskog staranja Tuzla LOT - 2 broj: JN – 1001/24 od 15.04.2024.godine, proveden u skladu sa procedurom otvorenog postupka, broj obavještenja o nabavci: 1010-1-1-18-3-1/24, objavljen na Portalu javnih nabavki dana 15.04.2024.

Član 2.

Razlog poništenja postupka je što niti jedan od tri predhodno pozivana ponuđača nije dostavio traženu dokumentaciju u određenom roku u skladu sa tačkom 7. Tenderske dokumentacije (dokazi o kvalifikaciji koje je obavezan dostaviti izabrani ponuđač) odnosno dokumenti iz člana 45. stav (2) tačke od a) do d) Zakona o javnim nabavkama BiH („Službeni glasnik BiH" broj: 39/14 i 59/22)

Član 3.

Ova odluka stupa na snagu danom donošenja i biti će objavljena na web stranici JU Dom za djecu bez roditeljskog staranja Tuzla istovremeno s upućivanjem ponuđačima koji su učestvovali u postupku javne nabave sukladno članu 70. stavak (6) Zakona o javnim nabavama.

Obrazloženje

Tačkom 7. Tenderske dokumentacije (dokazi o kvalifikaciji koje je obavezan dostaviti izabrani ponuđač) u skladu sa članom 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. Zakona.

U predmetu nabavke – Nabavka prehranbenih artikla LOT – 2 za potrebe JU Dom za djecu bez roditeljskog staranja Tuzla provedena je e-aukcija 30.05.2024.godine (četvrtak) sa početkom u 10:30 sati, a rok trajanja aukcije je 30 minuta. Kriterij za ocjenjivanje ponude je najniža cijena. Nakon provedene e-aukcije komisija je kreirala konačnu rang listu

R.br.	Naziv/ime ponuđača	Konačna cijena ponude bez PDV-a
1.	„LALA I LAĆO“ d.o.o. Bijeljina	8.090,00 KM
2.	OPŠTA POLJOPRIVREDNO PROIZVODNO PROMETNO USLUŽNA ZADRUGA „BIOS“ P.O. Visoko	8.100,00 KM
3.	„BOSNA – KOM“ d.o.o. Gračanica	9.990,74 KM



Kozaračka 11 75000 Tuzla , tel: ++ 387 35 330 322 , fax: ++387 35 273 502 , mail: dom.tz@bih.net.ba

U skladu sa kreiranom rang listom ugovorni organ je svojoj web stranici objavljiivao i ponuđačima dostavljao odluku o izboru najpovoljnijeg ponuđača.

Ponuđaču „LALA i LAĆO“ d.o.o Bijeljina, je dostavljena Odluka o izboru najpovoljnijeg ponuđača (LOT – 2) broj: 1631/24 od 06.06.2024.godine i Zapisnik komisije, kojom prilikom je Odlukom u članu 3. traženo da se postupi u skladu sa članom 45. stav (2) Zakona o javnim nabavkama Bosne i Hercegovine kao i da se traženo dostavi u roku od 5 dana dana prijema Odluka o izboru najpovoljnijeg ponuđača (LOT – 2). Imenovani ponuđač je dana 12.06.2024.godine zaprimio Odluka o izboru najpovoljnijeg ponuđača (LOT – 2) u kojoj je u članu 3. traženo da dostavi dokumente iz tačke 7. Tenderske dokumentacije u navednom roku. Kako do propisanog roka imenovani ponuđač nije dostavio traženu dokumentaciju, smatra se da nije ispunio svoju zakonom propisanu obavezu.

Drugoplasiranom ponuđaču OPŠTA POLJOPRIVREDNO PROIZVODNO PROMETNO USLUŽNA ZADRUGA „BIOS“ P.O. Visoko dana 03.07.2024.godine dostavljena je Odluka o izboru drugoplasiranog ponuđača za (LOT – 2) broj: 1830/24 od 26.06.2024.godine, kojom je u članu 3. traženo da se postupi u skladu sa članom 45. stav (2) Zakona o javnim nabavkama Bosne i Hercegovine i tačkom 7. Tenderske dokumentacije, kao i da se traženi dokazi dostave u roku od 5 dana dana prijema Odluka o izboru drugoplasiranog ponuđača (LOT – 2).

Ponuđač OPŠTA POLJOPRIVREDNO PROIZVODNO PROMETNO USLUŽNA ZADRUGA „BIOS“ P.O. Visoko propustio je da u navedenom roku dostavi dokumentaciju predviđenu tačkom 7. Tenderske dokumentacije za nabavku prehranbenih artikala za potrebe Javne Ustanove Dom za djecu bez roditeljskog staranja Tuzla.

Iz gore navedenog Ugovorni organ je dostavio Odluka o izboru trećeplasiranog ponuđača (LOT – 2) broj: 2055/24 od 19.07.2024.godine ponuđaču čija je ponuda na rang listi nakon najuspješnije ponude drugoplasiranog ponuđača tj. trećeplasiranog ponuđaču BOSNA – KOM d.o.o. Gračanica. Ponuđač BOSNA – KOM d.o.o. Gračanica propustio je takođe da u navedenom roku dostavi dokumentaciju predviđenu tačkom 7. Tenderske dokumentacije za nabavku prehranbenih artikala za potrebe Javne Ustanove Dom za djecu bez roditeljskog staranja Tuzla.

Obzirom na naprijed navedeno i obzirom da više nije bio ponuđača koji su učestvovali u postupku e-aukcije donesena je Odluka kao u dispozitivu, a sve u skladu sa članom 69. stav (1) tačka b), te je poništen postupak javne nabavke prehranbenih artikala (LOT – 2), jer niti jedan od ponuđača nije dostavio traženu dokumentaciju u određenom roku.

Pravna pouka: Protiv ove Odluke može se u pisanoj formi izjaviti žalba Uredu za razmatranje žalbi BiH putem Ugovornom organu u u roku od 10 (deset) dana od dana prijema ove Odluke.

Dostavljeno:

- Ponuđaču: „BOSNA – KOM“ d.o.o. Gračanica
- Ponuđaču: OPŠTA POLJOPRIVREDNO PROIZVODNO PROMETNO USLUŽNA ZADRUGA „BIOS“ P.O. Visoko
- Ponuđaču: „LALA I LAĆO“ d.o.o. Bijeljina
- Komisiji za provođenje postupka javne nabavke
- Evidencije
- a/a

